



Minister Otmar Oduber

Satisfecho cu e trabou andando pa crea un plataforma pa musiconan na Aruba

RECIENTEMENTE Minister Otmar Oduber a sinta cu Sra. Edwina Werleman, representando Fundacion Musica, Sr. Edwin Tromp y tambe Sr. Robert Jeandor p'asina e

e momentonan aki, reuni cu tur e gruponan p'asina den un termino di 90 dia bin cu un conseho pa e Minister di Cultura por presenta esaki na Consejo di Minister di Gobierno.

E mandatario ta splica cu tur esaki a bin basa di e diferente encuentronan cu tabatin e. o. cu e Fundacion Musica y riba e trabounan haci caba.

Sr. Oduber ta comenta: "M'a haya un presentacion di e trabounan cu a wordo haci y di e nomber personanan involvi den e tarea aki. E presentacion sigur ta muestra den un direccion sumamente positivo pa crea un plataforma pa musiconan na Aruba y hasta cu e posibilidad pa expande esaki."

E mandatario ta splica cu como Gobierno sigur lo kier mira e idea aki keda concretisa lo mas

tres musiconan aki forma un triunvirato.

E aliansa di e tres personanan aki lo tin un tarea specifico a traves di un decreto ministerial, cu lo mester duna conseho na Gobierno di Aruba riba formacion di un plataforma nobo representando musiconan aki na Aruba. E prome paso ta pa establece un inventario di loke tin na

pronto posibel. E plataforma aki lo enfoca no solamente riba e derechonan di musiconan na Aruba, pero tambe riba e relacion cu lo mester tin den e area laboral. P. e. contractnan den hotelnan, restaurant of na actividadnan cu nan ta duna presentacion.

Adicional na tur esaki lo observa tambe e derecho di autor. Ta importante pa mira e posibilidad pa adapta leynan den futuro pa percura cu produccionnan ta protegi pa nos artistanan. E tema di integracion tambe ta keda un otro punto importante, mirando e continuo peticionnan cu ta drenta pa artistanan internacional duna presentacion riba nos isla.

Minister Oduber ta di opinion cu na momento cu crea un plataforma di e tipo aki, e ta crea solamente beneficio pa nos musiconan.

"E ta salvaguardia nan derecho, pero tambe pa e relacion cu mester tin, di e cantidad di puntonan di atencion cu mester tin, pa cual e musiconan mes tin hopi aña ta pidiendo."

Intencion ta awor cu e plataforma di musiconan lo mester conta cu e respet di e instancianan cu nan lo tin cu traha cu nan mirando cu ta un area bastante amplio. "Na prome luga locual cu mi kier ta cu nos tin un plataforma cu ta carga e respaldo di artistanan y musiconan aki na Aruba y cu tur hende lo por tin confiansa den dje. Mi ta convenci di locual m'a wak te cu awor.

Tin un bon base na caminda pa crea un asociacion serio, un asociacion cu ta bay carga e responsabilidad di e derecho cu mester wordo salvaguardia pa musiconan y nos artistanan di Aruba."